

*Ysgol Gynradd Gatholig y Santes
Anne*



'Mae Goleuni Crist yn Disgleirio Drwy ein Dysg'

**Polisi Derbyn
2022/2023**

YSGOL GYNRADD GATHOLIG Y SANTES ANNE

(YSGOL WIRFODDOL A GYNORTHWYIR)

POLISI DERBYN 2022/2023

Mae'r polisi derbyn wedi cael ei fabwysiadu'n ffurfiol gan gorff llywodraethu Ysgol Gynradd Gatholig y Santes Anne, Wrecsam. Fel ysgol wirfoddol a gynorthwyir, y corff llywodraethu yw'r awdurdod derbyn, ac mae'n gyfrifol am drefniadau derbyn yr ysgol. Mae'n cael ei arwain gan y gyfraith a chan ei ddyletswydd a'i gyfrifoldebau i'r Esgob a'r Ymddiriedolwyr, i gadw cymeriad Catholig yr ysgol a chynnal darpariaeth gwaith yr Eglwys mewn addysg.

Mae Ysgol Gynradd Gatholig y Santes Anne yn Esgobaeth Wrecsam ac mae'n gwasanaethu plwyf y Santes Anne. Fel ysgol Eglwys, rydym yn gofyn i bob rhiant sy'n gwneud cais am le yma i gydnabod a pharchu'r ethos a'r addysg nodedig a ddarperir gan yr ysgol a'i phwysigrwydd i gymuned yr ysgol. Nid yw hyn yn effeithio ar hawl rhieni nad ydynt o ffydd yr ysgol hon i wneud cais am le yma.

Mae'r ysgol yn derbyn disgyblion rhwng 3 ac 11 oed. Y nifer derbyn sydd wedi'i gyhoeddi ar gyfer yr ysgol yw 24 ar gyfer Meithrin, Derbyn a gweddill yr ysgol. Mae Deddf Safonau a Fframwaith Ysgolion 1998 yn mynnu bod Awdurdodau Lleol a Chyrff Llywodraethu yn derbyn disgyblion hyd at nifer derbyn disgyblion yr ysgol. Gellir cael ffurflenni derbyn o'r ysgol a gellir hefyd eu cwblhau ar-lein. Dilynir amserlen dderbyn yr Awdurdod Lleol ar gyfer dosbarthu, ystyried a dychwelyd y ffurflenni hyn.

Amserlen Trefniadau Derbyniadau Ysgol

Bydd yr holl geisiadau ar gyfer Ysgol Gynradd Gatholig St Anne's yn cael eu hystyried gan Banel Derbyniadau y Corff Llywodraethu yn unol â'r amserlen a gyhoeddwyd gan yr Awdurdod Lleol.

Ceisiadau Hwyr

Bydd yr ysgol yn ystyried ceisiadau hwyr mewn achosion lle rhoddir rheswm digonol. Mae'r rhain yn cynnwys amgylchiadau arbennig megis pan fo teulu newydd symud i'r ardal, neu'n dychwelyd o dramor, ar yr amod bod ceisiadau'n cael eu derbyn cyn i leoedd gael eu cynnig.

Bydd rhieni'n cael hysbysiad ysgrifenedig o'r holl geisiadau derbyn

Caiff disgyblion eu derbyn i'r adran Feithrin, sy'n rhan o'n dosbarth Blynnyddoedd Cynnar yn y flwyddyn academaidd pan fyddant yn bedair - hynny yw, gellir derbyn unrhyw blentyn sy'n dair erbyn 31 Awst ym mis Medi. Nid yw dosbarth meithrin yn ddarpariaeth statudol; **nid yw** cael lle yn y dosbarth Meithrin yn gwarantu lle yn y dosbarth Derbyn; os oes gan blentyn le yn ein dosbarth Meithrin, mae'n rhaid i'r ffurflen gais briodol ar gyfer derbyn i'r dosbarth Derbyn gael ei chyflwyno o fewn amserlen y cylch derbyn blynnyddol.

Caiff disgyblion eu derbyn i'r dosbarth Derbyn yn y flwyddyn academaidd pan fyddant yn bump – h.y. gellir derbyn unrhyw blentyn sy'n bedair erbyn 31 Awst ym mis Medi. Gall rhiant ohirio gyrru ei blentyn i'r ysgol hyd at y tymor yn dilyn ei ben-blwydd yn bump oed. **Plant sy'n derbyn gofal a phlant sydd wedi bod dan ofal yn y gorffennol.** Mae plant sy'n derbyn gofal ac a fu'n derbyn gofal yn flaenoriaeth. Os bydd gordanysgrifio, bydd y plant hyn yn cael eu derbyn cyn unrhyw rai eraill, heblaw y rhai hynny sydd â datganiad o anghenion addysgol arbennig / Cynllun Datblygu Unigol sy'n enwi ein hysgol ni.

Ni fydd yr ysgol yn gwahaniaethu rhwng bechgyn a merched, nac yn erbyn ymgeiswyr ar sail hil, lliw, cenedligrwydd neu darddiad cenedlaethol neu ethnig. Bydd plant o gymuned Sipsiwn a Theithwyr neu grwpiau teithio yn cael eu trin yn unol â Chylchlythyr Llywodraeth Cynulliad Cymru Rhif: 003/2008 'Symud Ymlaen - Addysg i Sipsiwn a Theithwyr'.

Meini Prawf Gormod o Geisiadau

Mae'r Llywodraethwyr wedi cytuno os bydd nifer y ceisiadau yn fwy na nifer y lleoedd sydd ar gael, y bydd y meini prawf canlynol yn cael rhoi ar waith yn y drefn a nodir isod, i benderfynu pa ddisgyblion i'w derbyn.

1. Plant sy'n derbyn gofal a phlant sydd wedi derbyn gofal yn y gorffennol ac sydd wedi'u bedyddio yn Gatholig.
2. Plant eraill sy'n derbyn gofal neu sydd wedi derbyn gofal yn y gorffennol.
3. Plant sydd wedi'u bedyddio'n Gatholig y mae eu cyfeiriad cartref o fewn ffiniau'r plwyf a enwir ar gyfer yr ysgol. Mae map yn dangos ffiniau plwyf y Santes Anne ar gael yn yr Ysgol.
4. Plant wedi'u bedyddio'n Gatholig y mae eu cyfeiriad cartref y tu allan i'r plwyf a wasanaethir gan yr ysgol ond mai hon yw eu hysgol Gatholig agosaf.
5. Plant a fedyddiwyd neu sy'n aelodau ymroddedig o Eglwysi Cristnogol eraill.
6. Plant fydd â brawd neu chwaer hŷn yn mynychu'r ysgol ym mis Medi 2022; felly nid ym Mlwyddyn 6. (Gweler y diffiniad o frawd neu chwaer yn adran ddiweddarach y polisi)
7. Plant o draddodiadau ffydd eraill y mae eu rhieni yn dymuno iddynt gael addysg Ysgol Eglwysig.
8. Disgyblion y mae eu rhieni'n ceisio addysg ar sail ffydd ar eu cyfer mewn ysgol Gatholig

Bydd pob cais yn cael ei ystyried gan y Panel Derbyniadau.

Nodwch os gwelwch yn dda y bydd unrhyw blentyn sydd â'r ysgol wedi'i henwi yn eu datganiad o anghenion addysgol arbennig / Cynllun Datblygu Unigol yn cael ei dderbyn cyn rhoi'r meini prawf gordanysgrifio ar waith.

Bydd y Llywodraethwyr yn gofyn am gadarnhad o'r manylion hyn gan yr offeiriad lleol ar ffurflen atodol sydd ar gael oddi wrth yr ysgol.

Ym mhob categori, Mae'r rhai sy'n byw agosaf at yr ysgol yn cael blaenoriaeth uwch. Mae'r pellteroedd yn cael eu cyfrifo trwy ddefnyddio System Mapio Daearyddol yr Awdurdod Lleol sy'n mesur y pellter o gyfeiriad y cartref at yr ysgol yn gywir ar hyd y llwybr cerdded mwyaf diogel. Os yw'r pellteroedd yn gyfartal, fel y cyfrifir gan y system

GIS, er enghraifft fflat mewn bloc o anheddau gyda'r un fynedfa drws ffrynt, byddwn yn gwahaniaethu yn ôl lefel y llawr.

Diffiniadau a ddefnyddir yn y polisi

'**Rhieni**' yn cynnwys yr holl bobl hynny sydd â chyfrifoldeb rhiant dros blentyn fel y nodir yn Neddf Plant 1989. Lle bo cyfrifoldeb 'ar y cyd' dros blentyn, y person y bernir iddynt fod yn gyfrifol am gwblhau'r cais yw'r person sy'n derbyn Budd-dal Plant a bydd cyfeiriad y person hwnnw'n cael ei ddefnyddio i ddibenion derbyn.

Cyfrifoldeb Rhiant (o'r canllawiau cyfredol)

Oni bai y penderfynir fel arall gan orchymyn llys:

- Mae gan famau gyfrifoldeb rhiant yn awtomatig.
- Mae gan dadau hefyd gyfrifoldeb rhiant am blentyn os yw'r tad yn briod â'r fam pan gafodd y plentyn ei eni. Mae hyn yn parhau ar ôl unrhyw ysgariad / gwahanu / ailbriodi hyd yn oed os yw'r plentyn yn byw ar wahân iddynt.
- Mae gan dadau dibriod gyfrifoldeb rhiant lle bo'r fam a'r tad yn cofrestru genedigaeith y plentyn gyda'i gilydd (dyma newid i Ddeddf Plant 1989, a ddaeth i rym ar 1 Rhagfyr 2003 ac nid yw'n ôl-weithredol).
- Gall tadau dibriod, llys-rieni, perthnasau ac unigolion eraill gael cyfrifoldeb rhiant ond nid ydynt yn ei gael yn awtomatig. Mewn achosion o'r fath gellir rhoi cyfrifoldeb rhiant trwy orchymyn preswyllo, eu penodi'n warcheidwad; eu henwi mewn gorchymyn amddiffyn brys (yn gyfyngedig i gymryd camau rhesymol i ddiogelu neu hyrwyddo lles y plentyn neu unigolyn ifanc); neu drwy fabwysiadu.

Mewn achos o anghydfod rhwng rhieni, lle mae mwy nag un rhiant â chyfrifoldeb rhiant a'u bod yn anghytuno ynglŷn â gwneud cais i ysgol benodol. Bydd y panel Derbyniadau yn cynghori'r rhieni i gytuno cyn ymgeisio i'r ysgol.

Diffiniad o frawd neu chwaer

Ar gyfer ceisiadau a wneir yn y cylch derbyn arferol, brawd neu chwaer berthnasol yw plentyn sydd â brawd, chwaer, llysfrawd neu lyschwaer, hanner brawd neu hanner chwaer neu sy'n blentyn maeth neu blentyn a fabwysiadwyd sy'n byw yn yr un uned deuluol, ar yr un aelwyd teuluol a'r un cyfeiriad, ac sy'n mynychu'r ysgol a ffafriwyd yn unrhyw grwp blwyddyn ac eithrio'r flwyddyn olaf. Bydd brodyr a chwiorydd biolegol sy'n mynychu'r ysgol a ffafriwyd yn unrhyw grwp blwyddyn ac eithrio'r flwyddyn olaf hefyd yn cael eu trin fel brodyr a chwiorydd, waeth ble maen nhw'n byw.

Ni fydd plant sy'n byw ar yr un aelwyd fel rhan o deulu estynedig, fel cefndryd a chyfnitherod, yn cael eu trin fel brodyr a chwiorydd.

'Preswyllo' a 'Chyfeiriad Cartref'

Y cyfeiriad cartref fydd y cyfeiriad a ddefnyddir ar gyfer gohebiaeth ac a bennir ar sail lle y telir "Budd-dal Plant". Mewn achosion lle mae amheuaeth ynglŷn â'r cyfeiriad cartref neu pan fo plentyn yn byw rhwng dau gartref (teuluoedd wedi gwahanu) neu amgylchiadau perthnasol eraill, rhaid rhoi tystiolaeth o'r cyfeiriad cartref i'r ysgol i gadarnhau'r cyfeiriad a ddefnyddir ar y ffurflen gais. Y cyfeiriad cartref fydd y cyfeiriad sy'n cydymffurfio â'r uchod ar y dyddiad cau ar gyfer ceisiadau a bennwyd gan yr Awdurdod Lleol. Dylai teuluoedd sydd ar fin symud tŷ ddarparu:

- i) llythyr Cyfreithiwr yn cadarnhau bod cyfnewid Contractau wedi digwydd ar brynant eiddo; neu
- ii) gopi o'r Cytundeb Rhent presennol, wedi'i lofnodi gan y Tenantiaid a'r Landlordiaid, yn dangos cyfeiriad yr eiddo; neu
- iii) yn achos personél sy'n gwasanaethu yn Lluoedd Arfog E.M. ar hyn o bryd, llythyr swyddogol yn cadarnhau dyddiad cychwyn eu gwasanaeth gan y Weinyddiaeth Amddiffyn, y Swyddfa Dramor a Chymanwlad neu Bencadlys Cyfathrebu'r Llywodraeth.

Gefeilliaid, Tripledi, Genedigaethau Lluosog

Pan fo'r Corff Llywodraethu yn ystyried gefeilliaid, tripledi neu enedigaethau lluosog eraill ar gyfer un lle sy'n weddill, bydd y teulu'n cael cynnig y lle a gallant ddewis (a) ei dderbyn ar gyfer un brawd neu chwaer, pwy bynnag y byddant yn ei ddewis neu (b) wrthod y lle, a bydd yn cael ei gynnig i'r person nesaf yn y dyraniad ar ôl y gefeilliaid/tripledi/genedigaethau lluosog. Sylwch na fydd brodyr a chwiorydd genedigaethau lluosog yn cael eu blaenoriaethu i gael eu derbyn ac eithrio fel cysylltiad teuluol ar ôl i'r teulu dderbyn y lle(oedd) a gynigiwyd i un o'r efeilliaid/tripledi/genedigaethau lluosog. Ond bydd y panel Derbyniadau yn ymdrechu i gadw efeilliaid/tripledi/genedigaethau lluosog gyda'i gilydd pan fo hynny'n bosibl.

Rhestr Aros

Bydd rhestr aros yn cael ei chadw os bydd gan yr ysgol ormod o geisiadau. Ar ôl dyrannu lleoedd yn ystod y cylch derbyn arferol, bydd plant yn aros ar y rhestr aros tan 30 Medi yn y flwyddyn ysgol y maent wedi gwneud cais ynddi. Os daw lleoedd ychwanegol yn rhydd tra bo'r rhestr aros ar waith byddant yn cael eu dyrannu i blant sydd ar y rhestr aros ar sail y meini prawf uchod ar gyfer gormod o geisiadau.

Sut fydd ymlyniad crefyddol yn cael ei brofi

Diffiniad o 'Gatholig'

Mae'r rhain yn blant sydd wedi eu bedyddio'n Gatholig neu wedi cael eu derbyn yn ffurfiol i'r Eglwys Gatholig. Mae'n rhaid i bob ymgeisydd sy'n ceisio mynediad dan feini prawf 3 neu 4 ddarparu tystiolaeth bod y plentyn wedi cael ei fedyddio yn Gatholig neu wedi cael ei dderbyn i'r Eglwys Gatholig. Bydd tystysgrif bedydd neu lythyr gan eu hofffeiriad yn cadarnhau eu bod wedi cael eu bedyddio neu eu derbyn yn ddigon.

Apeliadau derbyn

Nid yw addysg Feithrin yn ddarpariaeth statudol ac nid oes gan rieni hawl i apelio o dan Ddeddf Addysg 1980 os nad ydynt yn llwyddo i gael lle. Nid yw cael lle yn y dosbarth Meithrin yn gwarantu derbyn i'r ysgol.

Os nad ydym yn cynnig lle i blentyn yn yr ysgol hon, gall rhieni ddefnyddio'r hawl i apelio. Os byddwch yn arfer yr hawl honno, rhaid anfon yr apêl at Glerc Llywodraethwyr yr ysgol.

Bydd yr apêl yn cael ei hystyried gan Banel Apêl derbyniadau annibynnol, a enwebwyd gan yr Esgobaeth yn unol â chod ymarfer Llywodraeth Cynulliad Cymru ar Apeliadau Derbyn ysgolion. Yna, bydd y Panel Apeliadau yn cyfarfod i ystyried yr holl apeliadau

gan rieni y gwrthodwyd lle i'w plant/plentyn yn ein hysgol. Mae'r penderfyniad hwn yn derfynol o safbwynt pawb dan sylw.

Cydymffurfiwyd â'r dogfennau a ganlyn wrth lunio'r polisi hwn:

- Deddf Plant 1989
- Gorchymyn Dynodi Ysgolion sydd â Chymeriad Crefyddol (Cymru) 2007
- Rheoliadau Addysg (Trefniadau Apelau Derbyn) (Cymru) (Diwygio) 2013
- Rheoliadau Addysg (Trefniadau Apelau Derbyn) (Cymru) (Diwygio) 2009
- Rheoliadau Addysg (Trefniadau Apelau Derbyn) (Cymru) (Diwygio Rhif 2) 2009
- Rheoliadau Addysg (Trefniadau Apelau Derbyn) (Cymru) (Diwygio) 2005
- Rheoliadau Addysg (Fforymau Derbyn) (Cymru) 2003
- Rheoliadau Addysg (Derbyn Plant sy'n Derbyn Gofal) (Cymru) 2009
- Rheoliadau Addysg (Penderfynu ar Drefniadau Derbyn) (Cymru) 2006
- Rheoliadau Addysg (Ysgolion Canol) (Cymru) 2012
- Rheoliadau Addysg (Gwrthwynebiadau i Drefniadau Derbyn) (Cymru) 2006
- Rheoliadau Addysg (Meysydd Perthnasol ar gyfer Ymgynghori ar Drefniadau Derbyn) 1999
- Rheoliadau Addysg (Cymwysterau Athrawon Ysgol) (Cymru) 2004
- Gorchymyn Addysg (Cychwyn Oedran Ysgol Gorfodol) 1998
- Deddf Addysg 1996
- Deddf Addysg 2002
- Deddf Addysg ac Arolygiadau 2006
- Deddf Addysg a Sgiliau 2008
- Defnydd effeithiol o symudiadau wedi'u rheoli: Cychwyn newydd i blant a phobl ifanc yn yr ysgol
- Dogfen Wybodaeth Llywodraeth Cynulliad Cymru Rhif: 096/2011
- Deddf Cydraddoldeb 2010
- Canllawiau ar gyfer Cyrff Llywodraethu ar Bolisiâu Gwisg Ysgol ac Edrychiad Disgyblion - Cylchlythyr Llywodraeth Cymru Rhif: 15/2011
- Deddf Hawliau Dynol 1998
- Canllawiau Gweithredol ynghylch y Mesur Teithio gan Ddysgwyr, Ebrill 2009
- Mesur Teithio gan Ddysgwyr (Cymru) 2008
- Mesur Capasiti Ysgolion yng Nghymru - Cylchlythyr Llywodraeth Cymru Rhif: 021/2011
- Symud Ymlaen - Addysg i Sipsiwn-Teithwyr - Cylchlythyr Llywodraeth Cynulliad Cymru 003/2008
- Rheoliadau Ysgolion Newydd (Derbyniadau) (Cymru) 2006
- Rhieni a Chyfrifoldeb Rhiant Cylchlythyr Cynulliad Cenedlaethol Cymru Rhif 12: 2007
- Rheoliadau Lleoli Plant (Cymru) 2007
- Cynllunio i Gynyddu Mynediad i Ysgolion i Ddisgyblion Anabl: Cylchlythyr Cynulliad Cenedlaethol Cymru Rhif: 15/2004

- R v Cyngor Metropolitan Rotherham ex parte Clark ac eraill (1997) EWCA Civ 2768
- Mesur Hawliau Plant a Phobl Ifanc (Cymru) 2011
- Y Cod Apelau Derbyn i Ysgolion
- Rheoliadau Derbyniadau Ysgol (Dyddiad Cynnig Cyffredin) (Cymru) 2013
- Rheoliadau Derbyniadau Ysgol (Maint Dosbarth Babanod) (Cymru) 2013
- Rheoliadau Derbyniadau Ysgol (Amrywio'r Trefniadau Derbyn) (Cymru) 2013
- Rheoliadau Gwybodaeth Ysgolion (Cymru) 2011
- Deddf Safonau a Fframwaith Ysgolion 1998
- Deddf Safonau a Threfniadaeth Ysgolion (Cymru) 2013
- Cod Ymarfer Anghenion Addysgol Arbennig i Gymru
- Rheoliadau Gwybodaeth Ysgolion (Cymru) 2011
- Tuag at Fywyd Sefydlog a Dyfodol Mwy Disglair
- Confensiwn y Cenhedloedd Unedig ar Hawliau'r Plentyn (UNCRC)

Adolygu

Yn unol â Chynllun Gwella'r Ysgol, bydd y polisi hwn yn cael ei adolygu bob dwy flynedd neu'n gynt os ceir unrhyw newidiadau mewn deddfwriaeth neu newid mewn amgylchiadau lleol.